

1998-09-10- SS Ioannes Paulus II - Epistola ‘Fratri Nostro Angelo Cardinali Sodano’

LETTERA DI GIOVANNI PAOLO II ALL’EM.MO CARD. ANGELO SODANO, SUO LEGATO
ALL’INCONTRO CONTINENTALE DEI GIOVANI (SANTIAGO DE CHILE, 6-11 OTTOBRE 1998)

Venerabili Fratri Nostro ANGELO S.R.E. Cardinali SODANO Secretario Status

Praestantiores inter instantes eventus totius Americae annumeratur occensus innumerabilium iuvenum, qui apud Sancti Iacobi in Chile urbem diebus VI-XI mensis Octobris convenient, Magnum Jubilaeum paratur ad Evangelii sententiam illam “Spiritus Sanctus... vos docebit omnia et suggesteret vobis omnia, quae dixi vobis” (Io 14, 26). Sat liquet haud semel convenisse Nos frequentissimam iuvenum multitudinem eosdemque cohortatos esse ut animose sese Christo Iesu addicant, feliciorem affectantes aetatem et ad Domini paecepta aequiorem.

Pro comperto habemus Fratres Episcopos comitatuos iuvenes, ut manifestum sit omnibus ex partibus ecclesiale compaginem extare et luculenter eiusdem conspici florem. Gaudemus praeterea quod Venerabilis Frater Franciscus Xaverius Errázuriz Ossa, Archiepiscopus Sancti Iacobi in Chile, ordinate hanc ipsam iuvenum congressionem composuit una cum Consilio Episcopali Latino-Americanico, Pontificio Consilio Nostro pro Laicis actuose quidem patrocinante.

Libentes volentesque postulatis occurrere volumus Venerabilibus Fratribus Episcopis Chilensis huiusque Nationis Auctoritatibus, qui flagitaverunt ut tu, Venerabilis Frater Noster, illi congressioni interesses. Nos autem non modo illos iusta rectaque petere iudicamus, propterea quod sapienter dextereque aliquando inibi egisti Apostolicae Sedis personam, verum etiam praesens ob munus tuum ac praestantiam illud officium paeclare sustinere posse arbitramur. Itaque magnam aestimationem Nostram significantes, te, Venerabilis Frater Noster,

LEGATUM NOSTRUM ad illam quam diximus conventionem renuntiamus et constituimus.

Universos quidem huius congressionis participes Nostra fere voce sermoneque adloqueris cunctisque adstantibus secundam Nostram voluntatem magnamque animi affectionem ostendes. Demum Spiritus Sancti in omnes devocamus dona, qui, ipsius repleti beneficiis, eventurum tertium millennium studiose summa spe adeptant, quique sine cunctatione seu tarditate in Evangelii incurant vestigiis. Benedictionem tandem Nostram Apostolicam Nostro nomine impertias velimus, quae sit divinarum gratiarum nuntia, animorum renovationis incitamentum, futuri aevi felix paeonitum.

Ex Aedibus Vaticanis, die X mensis Septembris, anno Domini MCMXCVIII, Pontificatus Nostri vicesimo.

IOANNES PAULUS II